



Broj: 13-11-4-3940/23

Datum: 07. 08. 2023. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo" br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javne nabavke roba, radova i usluga, Općinski načelnik d o n o s i

## ODLUKU o poništenju postupka javne nabavke

### I

Poništava se postupak javne nabavke radova „Održavanje pješačkih mostova“.

### II

Za izvršenje ove Odluke zadužuje se Služba za zajedničke poslove Općine Novo Sarajevo.

### III

Odluka o poništenju postupka javne nabavke objavit će se na web stranici [www.novosarajevo.ba](http://www.novosarajevo.ba), u skladu sa članom 70. stav (6) i članom 71. Zakona o javnim nabavkama Bosne i Hercegovine.

### IV

Ovom Odlukom stavlja se van snage Odluka o izboru najpovoljnijeg ponuđača broj: 13-11-4-3940/23 od 07.07.2023. godine.

## Obrazloženje

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 13-11-4-3940/23 od 12.05.2023. godine

Procijenjena vrijednost javne nabavke sa PDV-om je: 25.000,00 KM (slovima: dvadesetpethiljada i 00/100 konvertibilnihmaraka).

Obavještenje o javnoj nabavci broj: 935-1-3-108-3-143/23 od 08.06.2023. godine u 12:51 sati poslano je na objavu na Portal javnih nabavki.

Komisija za javne nabavke roba, radova i usluga je imenovana Odlukom Općinskog načelnika o pokretanju postupka javne nabavke broj: 13-11-4-3940/23 od 12.05.2023. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da je do dana 04.07.2023. godine, pristigla ponuda slijedećeg ponuđača:

Redni broj	Naziv i sjedište ponuđača	Ukupna ponudena cijena sa PDV-om
1.	Obrt META-B Zavidovići	24.937,49 KM

Komisija za javne nabavke roba, radova i usluga je izvršila evaluaciju jedine pristigle ponude, te je konstatovala da je ponuda ponuđača Obrt META-B Zavidovići prihvatljiva jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Komisija za javne nabavke roba, radova i usluga je izvršila analizu cijene ponude ponuđača Obrt META-B Zavidovići, te konstatovala da ista sadrži računsku grešku. U skladu sa odredbama člana 9.5.1. tenderske dokumentacije ponuđaču Obrt META-B Zavidovići je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Komisija za javne nabavke roba, radova i usluga jednoglasno je predložila Općinskom načelniku da donese Odluku o izboru najpovoljnijeg ponuđača Obrt META-B Zavidovići, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu od 24.937,49 KM (slovima: dvadesetčetiri hiljadestotinatridesetsedam i 49/100 konvertibilnih maraka) sa uračunatim PDV-om, te da se ponuđaču Obrt META-B Zavidovići dodijeli ugovor.

Odlukom o izboru najpovoljnijeg ponuđača broj: 13-11-4-3940/23 od 07.07.2023. godine, izabranom ponuđaču Obrt META-B Zavidovići je ostavljen rok od 5 (pet) od dana zaprimanja Odluke (Odluka dostavljena dana 07.07.2023. godine), da dostavi originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Dana 11.07.2023. godine izabrani ponuđač je dostavio dokumentaciju iz člana 45. Zakona o javnim nabavkama BiH, u skladu sa dostavljenom Izjavom.

Uvidom u dostavljenu dokumentaciju Komisija za javne nabavke roba, radova i usluga je utvrdila je ponuđač u svrhu ispunjenja uslova iz tačke 7.1.2. a) tenderske dokumentacije dostavio Uvjerenje nadležnog suda prema svom sjedištu kojim dokazuje da protiv fizičkog lica kao preduzetnika nije podignuta optužnica koja je stupila na pravnu snagu, odnosno da nije potvrđena optužnica, a niti je izrečena osuđujuća presuda za krivično djelo sa propisanom kaznom od 5 (pet) godina ili novčanom kaznom kao glavnom kaznom.


Tačkom 7.1.3. a) tenderske dokumentacije traženo je Uvjerenje nadležnog suda prema svom sjedištu kojim dokazuje da u krivičnom postupku nije izrečena pravosnažna presuda kojom je osuđen za krivično djelo učesća u kriminalnoj organizaciji, za korupciju, prevaru ili pranje novca.

Dokument koji je ponuđač dostavio ne dokazuje traženo iz tačke 7.1.3. a) tenderske dokumentacije, jer je jasno naznačeno da je traženo Uvjerenje nadležnog suda prema svom sjedištu kojim dokazuje da u krivičnom postupku nije izrečena pravosnažna presuda kojom je osuđen za krivično djelo učesća u kriminalnoj organizaciji, za korupciju, prevaru ili pranje novca.

Ponuđač je bio dužan da dostavi uvjerenje izdato od nadležnog suda prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz člana 45. stav (1) tačka a) Zakona.

U skladu sa naprijed navedenim, Komisija za javne nabavke roba, radova i usluga, jednoglasno je predložila Općinskom načelniku da u skladu sa odredbama člana 69. stav (2) tačka d), a u vezi sa članom 68. stav (1) Zakona o javnim nabavkama donese Odluku o poništenju postupka javne nabavke radova „Održavanje pješačkih mostova“, jer nijedna od zaprimljenih ponuda nije prihvatljiva.

Iz navedenih razloga, primjenom člana 69. stav (2) tačka d), a u vezi sa članom 68. stav (1) Zakona o javnim nabavkama, odlučeno je kao u dispozitivu ove Odluke.



**Odluka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.


Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108.

Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

**OPĆINSKI NAČELNIK**

**Dr. Hasan Tanović**



**DOSTAVITI:**

1. Obrt META-B Zavidovići
2. a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



